



IKUGA FONO

**FONO FAKAMUA
17 – 19 Iulai 2017
NUKUNONU**

FONO FAKAMUA

MATAKUPU	Pahina
1. Paketi Tupe 2017/2018	3 – 8
2. Tofitofiga o na Tofi Minihita & Tiute Fakaminihita mo te Mataeke o Faigafaiva	9 – 10
3 Fakatulagaga o te 8% e totogi mo na fale totogi & Fale nonofo o tagata faigaluega Malo ma na Nuku	10 – 11
4. Fakatautoga o he Hui Fono Fakamua	11
5. Pepa Fono Fakamua	11
6. Hikitaga o te Tiute o te Hikaleti & Tapaka	11
7. Galuega a te Komihi mo te Kaufaigaluega Tautua	12
8. Tulafono Femalagaakiga 2017 – Tau o na Pemita	12 – 13
9. Pahehe vaka o tagata Tokelau e nonofo I fafo o Tokelau	14
10. Fenua Lihi – Lipoti ki te Fono Fakamua	14 – 15
11. Iloiloga o te Polihi o te Hikolahipi	15
12. Iloiloga o te Hikimi Hikiga Tauale a Tokelau	15 – 20
13. Hikimi Tauale a te Malo o Tokelau	20
14. Lipoti o te Fonotaga a Takitaki o Tokelau – Puipuiga o Tokelau mai na afainaga o na tauale e he pipihi)	21
15. Fonotaga Economic Summit a te Mataeke	21
16. Lipoti Kuata a te Ulu Fakatonu ki te Pulepulega o Faiga faiva a Tokelau	22
17. Galuega Fakaauau a te Malo Fakaauau	22
18. Kikilaga o na mea tau Huavai	23
19. Fehoahoaniga mai Auhetalia (AUSaid)	23 – 24
20. Vaka Laku Uta	24
21. Talohaga Fale Mataaga I Ueligitone	24
22. Lipoti o te Akoakoga Fakavae mo Tokelau ki te kokona (kona) o te Tai	24 – 25
23. Polihi o te Hikomaga	25
Pepa Fakaopoopo	
1. Kupu a te Ulu Fakatonu	

1. PAKETI TUPE 2017/2018

Ko te mamalu o te Fono Fakamua na:

i. matau:

- i. e he veake ko te Tupe Tauhi mai Niu Hila kua paku kae na vaevae te Tupe Tauhi mai Niu Hila e \$35m ki te 3 tauhaga, (1) \$12m, (2) \$12m, (3) \$11m;
- ii. ke iei he kikilaga ma Niu Hila e tuha ai ma tana Tupe Tauhi ona ko na atiakega e fano fano lava ki luga;
- iii. na tatau lava na talohaga a na Nuku & Mataeke ke auiliili mai;
- iv. ke Iloilo na talohaga a na Nuku & Mataeke I te Iloiloga o te Tupe I te tauhaga fou;
- v. fatoa mautinoa na tupe maua I te Iloiloga o te Tupe I te tauhaga fou;
- vi. na tahi vaega tupe maua e veia ona takua e te Ulu Fakatonu e he takua I te pepa ko na fehoahoaniga mai Niu Hila, f.t. \$750,000 mo te vaka mo te vaifenua, \$18m mo te Vaka ki Gauta fakatahi ai ma te uea toho I te takele o te moana pe nofo mai I te \$27.7m;
- vii. ko te Trading Revenue ko te tau matemate e fakamoemoe e maua mai I te toe fakatau atuga o na Helikopa;
- viii. matau kua he toe maua na tiute (duty drawbacks) ona ko na koloa e fakatau mai Samoa ki Tokelau kua he iei he levi pe he lafoga e totogi;
- ix. e tatau lava ona fakamanino atili pe ko nia na vaega tupe maua e takua ai Ietahi Tupe Maua (miscellaneous revenue);
- x. ke katoa na lipoti tupe o te TT2016/2017 fatoa matea ai na fakafanoga tupe a na Nuku & Mataeke ma ko te mahina o Aukuho 2017 e mata e maua ai te ata o na fakafanoga tupe uma;
- xi. e iei te Polihi Fou a te Fono Fakamua mo te vaevaega o te tupe na taki mai I te TT2016-TT2020;
- xii. e iei na kehekehenga ki te fakatupega o na Kaufaigaluega Tautua a te Akoga & Falemai, ko ietahi

- Nuku e gafa ma na Taupulega ka ko ietahi Nuku e gafa ma na Mataeke;
- xiii. pe fia te mataloa e taukave ai na polokalame vena ma na tupe taukave pe fia tauhaga e mafai ke taukave ai;
 - xiv. ke tafia pea veia na tupe taukave manu e fakatalatalanoa haele, kae ke taumafai ke fakagalue na tupe taukave totoe I te tauhaga tupe tenei;
 - xv. na talohaga tupe fou –
 1. Kautafafao \$54,000 – mafutaga a na Kautafafao I te tauhaga nei
 2. Teletok \$900,000 – hikitiaga o na ofiha fou ki na koga fou;
 3. Malohiaga \$600,000 – fakaauauga o te Vaega 3 (Phase 3) o te Polokalame;
 - xvi. te vaega tupe \$1,3m e nofo kaitalafu ai te Teletok ki te Malo;
 - xvii. e iei lava te fakamuamuaga mai na Taupulega ki na polokalame fakamuamua f.t. vaka laku uta, Vaka ki Gauta & Ofiha fou I Apia;
 - xviii. e heki iei ni tupe na tuku mai e te Malo ki na Nuku ke fakagalue ai a latou falekoloa kae maihe na kaitalafu;
 - xix. ko te Teletok ko he Kamupani tutautahi ma te fakamoemoe e fakaola lava ia e ia ma fehoahoani mai ki Tokelau I ana tupe hau ma e iei ana tupe teu;
 - xx. ko na tupe kua toe fakaopoopo ki na tupe a na Nuku, e hau mai na tupe a na Mataeke e mata e ono he fakafanoa I te TT2016/2017;
 - xxi. ko te tuhi tupe Amelika a te Teletok e fakaagaga ke fakalelei atili ai te hihitemi kafai e fakahetonu;
 - xxii. te he ta tutuha o na fakamanuiaga I luga o fenua, ke fakanofotonu na fakamanuiaga o tagata faigaluega, na penefiti o tamaiti ma na tino e he katoatoa te malohi, ke fatu ni Polihi ke tutuha ai ia Tokelau;
 - xxiii. he tonu e a te Fono Fakamua ke fakaheai te Faitaugo tagata I te vaevaega o te tupe, kae ke matau te aofaki o tagata I luga o fenua e tatau ona fua ki ei te vaevaega o te tupe.

ii. malilie:

- i. ke fakaatea kehe he vaega tupe e \$1m mo ni polokalame a na Mataeke e fia fakatele I te fakatagaga a te Malo Fakaauau, kae he na ko te Teletok & Malohiaga;
- ii. ko na talohaga e tuku atu ki te Mataeke o te Tupe ke iloilo ma hukehuke pe moni te tulaga o te talohaga oi kua tuku atu ai ki te Malo Fakaauau mo he fakatagaga;
- iii. ki te Mataeke o te Tupe ke tapena mai he pepa ki na Taupulega I te mahina Novema 2017, ke fehoahoani mo te mainaga ki te vaevaega o te Paketi ma kikila ki na Polihi/Taki a na nuku f.t. penefiti tamaiti mtm, kae ke olo gatahi ai na nuku fakatahi ai ma he fautuaga ke kikila ai ki ni pahene ke vaevae ai te heleni fua ki te Faitauga o tagata kae maihe te Iloiloga o na Paketi ke iloa pe ni a na polokalame I loto;
- iv. ke fakaauau pea te tonu mo te fatuga o te paketi a Tokelau;
- v. ki na fakatu kua fatu ai te Paketi a Tokelau 2017-2020;
- vi. ki na vaevaega o te Paketi Tupe, Vaega mo na Tautuaga Mahani ma te vaega o Atiakega Lalahi;
- vii. ki te aofaki e avanoa ke vaevae mo te Tauhaga Tupe 2017/18 e **\$35.32m** [tagaki ki te **Pepa Fakaopoopo 1**];
- viii. ko na fakatupega mo na atiakega lalahi a na nuku, e i loto ai he kikilaga ki na polokalame koi tau fakauma pe ko heki kamata;
- ix. ki te fakatupega fakatu mo na Atiakega Lalahi a te Malo;
- x. ke fakahoa ma kikila na Atiakega Lalahi a te atunuku e te Malo Fakaauau, ma lipoti pea ki te Fono Fakamua ma na Taupulega;
- xi. ke mautinoa te tulaga moni o te tupe a Tokelau kafai e uma te hukega tuhi ia Novema oi fakaauau ai na talanoaga mo te Teuga Tupe Leoleo;

xii. ki te vaevaega fakatu mo na **Tautuaga Mahani** mo te Tauhaga Tupe **2017/2018** i te **Ata 1**.

xiii. ke maua e te Mataeke o te Tupe na Auiliiliga o na Paketi a na Nuku ma na Mataeke takitahi kae ko heki pa atu ki te **30 Aukaho 2017**, kae ke mafai e te Mataeke o te Tupe ke heti te kikilaga ma te leoleoga o te tatou Paketi.

ATA 1

Na vaega e fakahoa ki ei te tupe	Paketi mo te TT 2017/2018 (\$)
ATAFU	\$3,200,000
FAKAOFO	\$3,300,000
NUKUNONU	\$3,000,000
MATAEKE O TAMOKAIGA, KOA FAKATENATULA & HIKOMAGA	\$1,000,000
MATAEKE O TE HUIGA O TE TAU	\$300,000
MATAEKE O FAIGAFAIWA	\$700,000
MATAEKE O TE AKOGA	\$2,750,000
MATAEKE O MALOHIAGA ELETIHE	\$500,000
MATAEKE O TE TUPE	\$1,060,000
MATAEKE O TE OLA MALOLO	\$1,550,000
OFIHA O TE MALO FAKAAUAU	\$1,700,000
MATAEKE O TAUTUA LAGOLAGO	\$700,000
MATAEKE O MALAGA	\$5,000,000
OFIHA O TE KOMEHINA TAGATA FAIGALUEGA	\$350,000
TUHAGA TOTOGI KI NA FAKALAPOTOPOTOGA I FAFO	\$1,379,000
POLOKETI FAKAATUNUKU	\$5,000,000
POLOKETI A TE ATUNUKU (mo te fakatagaga a te Malo Fakaauau)	\$1,000,000
ATIAKEGA LALAHIA NA NUKU	\$1,000,000
TEUGA TUPE FAKALEOLEO (Trust Fund Reinvestment)	2,700,000
AOFAKI	\$36,189,000

Pepa Fakaopoopo 1

Fakafanoga Tupe o na Tauhaga kua teka fua ki te Paketi fua ki na fakatutuga o te Tauhaga Tupe Fou

	Fakatagaga I te Iloiloga o te Paketi Tupe 16/17	Matemategae ono Fakafano Paketi Tupe 16/17	Talohaga mo te Tauhaga Tupe tenei 17/18
Aofaki o te Tupe Maua	38,077,427	34,457,000	35,320,000
Aofaki e Fakahoa	44,424,427	38,531,000	36,189,000
1 Fakahoa ki na Nuku	8,179,631	9,760,000	9,500,000
1.1 Atafu	2,700,000	3,103,000	3,200,000
1.2 Fakaofo	2,800,000	3,829,000	3,300,000
1.3 Nukunonu	2,679,631	2,828,000	3,000,000
2 Fakahoa ki na Mataeke	16,922,453	18,856,000	15,610,000
2.1 Ofiha o te Malo Fakaauau	2,380,000	2,832,000	1,700,000
2.2 Mataeke o te Tupe	1,090,000	1,109,000	1,060,000
2.3 Mataeke o te Akoga	3,085,340	4,010,000	2,750,000
2.4 Mataeke o te Ola Malolo	1,931,113	1,826,000	1,550,000
2.5 Mataeke o Malohiaga Eletihe	500,000	620,000	500,000
2.6 Mataeke o Malaga	6,053,000	6,825,000	5,000,000
2.7 Mataeke o Tamaokaiga, Koa Fakatenatula & Hikomaga	1,250,000	1,034,000	1,000,000
2.7 Mataeke o Tautua Lagolago	633,000	600,000	700,000
2.8 Mataeke o Faigafaiva	-	-	700,000
2.9 Mataeke o Huiga ki te Tau	-	-	300,000
2.9 Ofiha o te Komehina o Tagata Faigaluega	-	-	350,000
3 Tau e totogi mo te Malo	1,100,000	840,000	1,379,000
3.1 Tuhaga totogi ki na Fakalapotoptooga mai Fafo	150,000	150,000	150,000
3.2 Tau o te fakaaoga o te Ofiha I Apia	150,000	150,000	150,000
3.3 Fakaleoleo	260,000	0	260,000
3.4 Tau o te Huketuhi	140,000	140,000	140,000
3.5 Tuhaga mo Faigafaiva ki te Fakalapotopotoga PNA	-	-	375,000
3.6 Hikimi Hiki Tauale	0	0	250,000
3.7 Takaloga a te Tutolu 2017	0	0	54,000
4 Atiakega Lalahi – Tupe Fakafano o Poloketi	15,422,343	6,175,000	7,000,000
4.1 Poloketi a Atafu	2,079,931	1,000,000	300,000
4.2 Poloketi a Fakaofo	1,334,174	531,000	400,000
4.3 Poloketi a Nukunonu	2,008,238	747,000	300,000
4.4 Na Poloketi Fakaatunuku *	10,000,000	3,897,000	5,000,000
4.4 Poloketi a te Atunuku (mo te fakatagaga a te Malo Fakaauau)	0	0	1,000,000
Tupe Toe teu ki te Teuga Tupe Fakavaomalo	2,800,000	2,900,000	2,700,000
VAEGA TUPE KUA OVA AI TE PAKETI	-6,347,000	-4,074,000	-869,000

Atiakega Lalahi Fakaauau ki mua			
4.1 Poloketi a Atafu			800,000
4.2 Poloketi a Fakaofo			400,000
4.3 Poloketi a Nukunonu			600,000
4.4 Poloketi a te Atunuku			2,500,000
			4,300,000

Matau ko na Atiake Lalahi a na Nuku I luga ni vaega fakaauau mai na fakatagaga o te tupe fakafano o na Tauhaga Tupe 2015-2016 ma te 2016-2017 e heki uma te fakaaoga.

2. TOFITOFIGA O NA TOFI MINIHITA & TIUTE FAKAMINIHITA MO TE LALA O FAIGAFAIWA

Ko te mamalu o te Fono Fakamua na:

i. matau:

- i. te pepa;
- ii. ko te tofi minihita e tuku ki te Minihita e agavaka ke taukave te tofi;
- iii. na mele te Malo Fakaauau I te he tauologologoa ma te he amanakia o na Taupulega e tuha ai ma a latou tonu ona kua fakatino te latou tonu kae heki iloa e na Taupulega & Fono Fakamua;
- iv. kua iei te Minihita ma te Fakatupega o te Mataeke o Faigafaiva, I he taimi I mua oi kua tuku mai ai te fakatulagaga o te kaufaigaluega;
- v. ko na Fakalapotopotoga (CBOs) e I lalo o te kikilaga a te Malo Fakaauau;
- vi. ko te Mataeke o te Huiga o te Tau na pahia e te Fono Fakamua I Fakaofo I 2016 ona he vaega lahi tenei ma taua na tonu ai ke fakamatea tenei Mataeke;
- vii. kua uma te tuku atu o te galuega ki te Komihi o te Kaufaigaluega Tautua ke tapena mai na fakatulagaga o na Mataeke o te Ofiha o Komehina Kaufaigaluega Tautua, Mataeke o Faigafaiva & Mataeke o te Huiga o te Tau;
- viii. e tatau ona kaumai muamua na fakatulagaga o na Mataeke fatoa aloakia ai e te Fono Fakamua;

ii. talia:

- i. ke kavea ia Faipule Kelihiano Kalolo ma Minihita o te Huiga ki te Tau;
- ii. ke kavea ia Pulenuku Mose Pelasio ma Minihita o Faiga Faiva;
- iii. te kotokotoga tuku fakatahiga ma te tufatufaga o na Tofi Minihita e veia ona takua I te **Ata 2.**

ATA 2

Ulu o Tokelau	i. Ofiha o te Malo Fakaauau ii. Tulafono iii. Va ki Fafo
Faipule Siopili Perez	i. Mataeke o te Tupe ii. Mataeke o te Ola Malolo
Faipule Afega Gaualofa	i. Mataeke Femalagaakiga ii. Mataeke o Malohiaga
Faipule Kelisiano Kalolo	i. Mataeke o Atiakega o te Tamaokaiga, Koa Fakatenatula & Hikomaga ii. Mataeke o te Kaufaigaluega Tautua iii. Mataeke o te Huiga o te Tau
Pulenuku Petelo Patelesio	i. Mataeke o Tautuaga & Lagolago
Pulenuku Mose Pelasio	i. Mataeke o Fehokotakiga ii. Mataeke o Faiga Faiva
Pulenuku Fano Mativa	i. Mataeke o Akoga

3. FAKATULAGAGA O TE 8% E TOTOGI MO NA FALE TOTOGI & FALE NONOFO O TAGATA FAIGALUEGA (MALO MA NA NUKU)

Ko te mamalu o te Fono Fakamua na:

i. matau:

- i. te pepa;

ii. malilie:

- i. ki te Komiti a te Atunuku (Pule Fakahoaa a na Taupulega fakatahi ma te Mataeke o Tautua Lagolago) ke fai loa he latou galuega ke kikila ai ki ni taki ke olo gatahi ai ia Tokelau;
- i. na tau o na fale e nonofo totogi ai na Kaufaigaluega a na Nuku/Mataeke, ke kikila ke fua te tau ki te lelei katoatoa o te fale ma na meafale;

- ii. na 8% e tipi mai I na totogi o na tino faigaluega pe tatau ona totogi ki te Nuku pe ko te Malo pe talafeagai foki te 8% pe heai;
- iii. pe iei foki ni vaega e matau e latou e tuha ai ma tenei matakupu;
- ii. ke tuku mai te latou Lipoti I te Fono Fakamua hohoko.

4. FAKATAUTOGA

Na **matau** e te mamalu o te Fono Fakamua te fakatautoga o te Hui Fono Fakamua Fou Talasilia Sosene ke hui ai te Hui Fono Fakamua nae iei Ilai Esera.

5. PEPA FONO FAKAMUA

Na **matau** e te mamalu o te Fono Fakamua, te tonu fakatatia a te Fono Fakamua, ko na pepa uma e tatau ona maua e na Hui Fono Fakamua I te 10 aho I mua ka ko heki nofoia te Fono Fakamua ona kua iei he matauga, e iei na pepa fatoa tuku mai nei ki na Hui Fono.

6. HIKITAGA O TE HIKALETI & TAPAKA

Ko te mamalu o te Fono Fakamua na:

- i. **matau:**
 - i. te pepa;
- ii. **malilie:**
 - i. ke hiki te tiute o te Hikaleti ma te Tapaka i te 295%, ko tona uiga kua \$9.50 te tau o te pepa hikaleti;
 - ii. ki na Nuku ke fakamalohia na Polihia e fakaha na Pihinihi oi fakatau atu na Hikaleti & Pia.

7. GALUEGA A TE KOMIHI MO TE KAUFAGALUEGA TAUTUA

Ko te mamalu o te Fono Fakamua na:

i. matau:

- i. te pepa;
- ii. te fakamatalaga a te Komehina Kaufaigaluega Tautua e tuha ai ma na fakafehili a te Taupulega;
- iii. e he ni fakamahinoga kae ni hukehukega;
- iv. ko na avanoa o te Kaufaigaluega I te Ofiha o te Komehina e heki fakahalalaua ka na tofia lava e te Komehina I tona mafai fua ki te Tulafono;
- v. ko te hukehukega e tatau ona fakatino I he auala lelei, heai he fakapito, fakauo, fakakaiga pe fakanuku;
- vi. ke tauologologo na Taupulega I ni vaega e tatau ona nofo maina ki ei;

ii. malilie:

- i. ke toe tuku atu ki te Komehina ke fakaauau pea tana hukehukega oi kua tuku mai ai tana Lipoti I he taimi lata mai;
- ii. ki te Komehina ke tuku aloakia mai ni fakamatalaga e tuha ai ma te fakanofotonuga o na Kaufaigaluega o te Ofiha o te Komehina fakatahi ai ma te Kaufaigaluega o te Mataeke o Faigafaiva ma te Mataeke o te Huiga ki te Tau.

8. TULAFONO O FEMALAGAAKIGA 2017 – TAU O NA PEMITA

Ko te mamalu o te Fono Fakamua na:

i. matau:

- i. te pepa;
- ii. na hula I na talatalanoaga ke hiki na Pemita Nofo Tumau mai te 5 tauhaga ki te 10 tauhaga;
- iii. e he iei he afainaga kafai ia Tokelau e fofou ke hiki te Piliota o na Pemita Nofo Tumau ki te 10 tauhaga;
- iv. e he mafai ke tuku atu he Pemita Nofo Tumau ki he tino e he he Tokelau vagana kua fautuagia e Tokelau;

- v. piliota mo he Pemita Nofo Tumau e 5 tauhaga, piliota mo he Hitiheni Niu Hila e 5 tauhaga, ko tona uiga e 10 tauhaga e fakatali ai he tino ke maua he tuhi malaga Niu Hila;
- vi. ko na tino Konekalate e he tatau ona taulia I te vaega tenei;
- vii. ke taukave pea te maliliega kua iei, kae ke iei he avanoa ke toe fakatalanoa ai na tauhaga mo na Pemita Nofo Tumau.

ii. malilie:

- i. ki te tau fou o na Pemita takitahi e veia ona takua I te **Ata 3**;
- ii. ke iei he inati mo na Nuku e maua mai I na Pemita;
- iii. ko te tupe e maua mai I na Pemita ke 40% e maua e te Nuku kae 60% e maua e te Malo;
- iv. ko te nuku e fano ki ei te tino tafao ke totogi lava ki te nuku e fakamautu ai vagana e afea uma na nuku e tolu, oi kua vaetolu ai te 40% ki na nuku.

ATA 3

	PEMITA AHIAHI	PEMITA NOFOMAU	PEMITA FAKAPITOA	PEMITA GALUE	PEMITA NOFO TUMAU
Ko na tau e fakatu e Nukunonu mo te tulafono a Tokelau	NZD\$100	NZD\$100	NZD\$100	NZD\$100	NZD\$500

9. PAHEHE VAKA O TAGATA TOKELAU E NONOFO I FAFO O TOKELAU

Ko te mamalu o te Fono Fakamua na:

i. matau:

- i. te pepa;
- ii. na vaega na fakahula mai e te Mataeke o Femalagaakiga;

ii. malilie:

- i. ke fakatutuha na pahehe o tagata Tokelau e nonofo I fafo o Tokelau ki na pahehe o tagata Tokelau e nonofo I luga o Tokelau:
 - 1.** NZ\$100 tino matua (fano ma te hau - return)
 - 2.** NZ\$50 tamaiti 1 – 12 tauhaga (fano ma te hau - return);
- ii. ke he toe totogi atua (refund) na pahehe o na tino na totogi o latou pahehe I te tau fou;
- iii. ke tamilo mai te Mataeke ki na Taupulega ma a latou tau fakatutu mo na pahehe vaka.

10. FENUA LIHI O TOKELAU

Ko te mamalu o te Fono Fakamua na:

i. matau:

- i. te pepa ma te Lipoti a te Komiti o Fuaga Fenua 2017;
- ii. ko te vaega tupe mo na fenua lihi kua I na Taupulega;
- iii. ko na lakau na fakaatea mo te Solar I Atafu ko heki totogia lava;

ii. malilie:

- i. ke totogi loa na fenua lihi kua fakaaoga kae e heki totogia;
- ii. ke kamata totogi na fenua lihi kua fakaaoga kae heki totogia I te aho na tatala/fakapaia ai te fale.

- iii. ke kikila ki na lihi ke fakakatoatoa ona e he katoa na lihi tuai;
- iv. ke toe fakamautinoa ietahi lihi ona e kehekehe na lihi kae tutuha lelei lava na koga/lalahi o na fale; f.t. Teletok;
- v. ke tuku atu te katoaga o na Fenua Lihi ki na Taupulega kae ko heki aloakia e te Malo Fakaauau.

11. ILOILOGA O TE POLIHI O TE HIKOLAHIPPI

Ko te mamalu o te Fono Fakamua na:

- i. **matau:**
 - i. te pepa;
- ii. **malilie:**
 - i. ke tuku atu he avanoa ki na Taupulega ke fakatalanoa ai te Polihi;
 - ii. ke tuku mai na lagona o na Taupulega I te Fono Fakamua hohoko;
 - iii. ki te Komiti Hikolahippi ke fehoahoani ki te fakamainaga atili o te Polihi ki na Taupulega, e pa atu ki te Fono Fakamua ka hohoko, kua tutuha na mainaga o na Taupulega ki te Polihi.

12. ILOILOGA O TE POLIHI MO TE HIKIMI HIKIGA TAUALE A TOKELAU

Ko te mamalu o te Fono Fakamua na:

- i. **matau:**
 - i. te pepa;
 - ii. te lagona fakaalia e tuha ai ki te kikila fakaleleiga o na tautuaga tau te ola malolo ona ni tautuaga e ono afaina ai ni ola, e ve kua he fakatalitonugia ai na fomai e tuha ai ma te nonofo mataloa o ni tauale I Samoa, e veia ko te tulaga na pa ki ei ni tamana ma ni matua;

- iii. i he taimi I mua, e tuku atu ai ni fakamatalaga e te Mateke o te Ola Malolo e tuha ai ma ni lagona kua fakaalia e he hui ona e he tatau ke tuku atu ni fakamatalaga I tenei malaeafono ma; ka malaga atu te Mataeke ke talanoa ma na Taupulega e tuha ai ma tenei vaega ma e fakamalulu atu ai ki na hui fono;
- iv. kua iei na hatalaga a te Taupulega ke fehoahoani ai ki tagata e tuha ai ma tenei vaega na tutupu;
- v. e mata ono iei he fakatu ma te Mataeke o te Ola Malolo i te Iloiloga o te Tupe ka hohoko, e tuha ai ma na huiga ki te Hikimi Tauale.

ii. malilie:

- i. ki na huiga e veia ona takua I te **Ata 4**.
- ii. ke kamata fakatino na huiga ki te Hikimi Tauale I te aho e pahia ai na Ikuga Fono a te Fono Fakamua.

ATA 4

I TOKELAU: KI LATOU E TAULIA I TE HIKIMI		
<u>VAEGA 4.1.3</u>		
Tulaga ite taimi nei	Fautuaga mo he huiga	
Ko he Tokelau nae nofo i fafo, e tatau ke nofo i Tokelau mo he ono (6) mahina hohoko.	Ko ho he Tokelau nae nofo I fafo ma kua toe malaga mai ki Tokelau e tuha pe fia te mataloa kua i luga ai o fenua.	Talia
<u>VAEGA 4.1.4</u>		
Ko he tino e he ko he Tokelau kae kua fakamaonia kua iei hana pepa/ tuhi nofo tumau.	Ko he tino e he ko he Tokelau kae kua fakamaonia kua iei hana pepa/ tuhi nofo tumau pe ko he tuhi fakamaonia mai te Taupulega.	Talia
<u>VAEGA 4.1.5 ; 4.1.6</u>		
<ul style="list-style-type: none"> ♦ Ko he tino e tautua i te ola malolo e aofia ai ma to na kaiga ♦ Ko he tino e faigaluega faka konekalate i te malo (<i>fuafua ki na taki o te konekalate</i>). 	<i>Ke opo na vaega ienei ki he vaega fokotahi:</i> ko he tino faigaluega e tautua I te Malo pe ko na nuku e aofia ai ma tona kaiga, e fua ki na taki o te konekalate <i>kae fautuagia na Nuku/Mataeke ke fakamautinoa e iei ni Pepa Tauale (Medical Certificate) ke fakamautinoa ai to</i>	Talia

	<i>latou ola malolo.</i>	
I APIA:		
VAEGA 4.1.6		
Ko na tino Tokelau e faigaluega i TALO ma o latou kaiga (immediate families) <ul style="list-style-type: none"> ◆ E gafa te hikimi kafai kua hiki ki NZ. ◆ Ko na tau (togafitiga) i Apia, e gafa ma te Mataeke e tautua ai te tino faigaluega. 	Ko na tino Tokelau e faigaluega i TALO, pe i Samoa (f.t. Kaufaigaluega a na Taupulega) ma o latou kaiga (immediate families) <ul style="list-style-type: none"> ◆ E gafa te hikimi kafai kua hiki ki NZ ma e kamata na fakamanuiaga i te aho e malaga ai ki Niu Hila. ◆ Ko na tau o na togafitiga i Samoa, e gafa ma te Mataeke pe ko te Taupulega e tautua ai te tino faigaluega. 	Talia
VAEGA 4.1.7		
Ko fanau i lalo o te hikimi hikolahipi i Hamoa, Fiti ma ietahi atunuku i te pahefika. <ul style="list-style-type: none"> ◆ E gafa te hikimi tauale kafai e hiki te tauale ki NZ ◆ E gafa te mataeke o akoga ma na tau (o na togafitiga) i Apia. 	Ko fanau uma a Tokelau i lalo o te Hikimi Hikolahipi e aoga I ho he fenua I te lalolagi. <ul style="list-style-type: none"> • E gafa te Hikimi Tauale kafai kua hiki te tauale ki NZ ma ko na fakamanuiga e kamata i te aho e malaga ai te tauale ki Niu Hila • E gafa te Mataeke o Akoga ma na tau o na togafitiga i Samoa, Fiti ma ho he fenua I te lalolagi e aoga ai ia fanau. 	Talia manu e galulue fakatahi te Mataeke o te Ola Malolo & Mataeke o Akoga e tuha ai ma tenei vaega.
VAEGA 4.1.8		
Fakatu fou	Ko fanau akoga a te lotu; Taupulega pe ko na tahi Mataeke a te Malo, e aoga i Hamoa, Fiti & Vanuatu. <ul style="list-style-type: none"> • E gafa te hikimi tauale kafai kua hiki ki NZ. • Ko na fakamanuiaga e kamata i te aho e malaga ai ki NZ. • E gafa te lotu; Taupulega pe ko te Mataeke, ma na tau o na togafitiga I Samoa. 	Talia

VAEGA 4.1.9		
Ko ietahi fanau akoga_(private) Tokelau e aoga i Hamoa. <ul style="list-style-type: none">• E gafa te hikimi tauale kafai e hiki ki NZ.• E gafa te hikimi ma na tau o na togafitiga kafai e taofi i te falemai i Apia.	Ko ietahi fanau akoga (private) Tokelau e aoga i Hamoa. <ul style="list-style-type: none">• E gafa te hikimi tauale kafai kua hiki ki NZ.• Ko na fakamanuiaga e kamata i te aho e malaga ai ki NZ• E gafa te hikimi ma na tau o na togafitiga kafai kua taofi i te falemai i Samoa.	Talia
Vaega 10.1		
Fakatu fou	Fooki mo na tauale e kavekehe mai i te hikimi o na kua tatau o na nonofo tumau i NZ pe ko Samoa mo te fakaauauga o na togafitiga. <ul style="list-style-type: none">• \$10,000 NZD mo Niu Hila \$4,000 NZD mo Samoa <p><i>Matau, te tulaga eiei nei, kafai kua toe liliu mai te tauale ki Tokelau, e he toe taulia i lalo o te kolua hikimi.</i></p>	Malilie ke toe tuku atu te Vaega 10.1 ke toe fakatalanoa e na Taupulega.

Fakamanuiaga i lalo o te hikimi

Fakamanuiaga/ Alauni i Tokelau			
Tulaga I te taimi nei	Vaega 1 (option 1)	Vaega 2 (option 2)	Vaega 3 (option 3)
<i>E \$15 te tauale vena ma tona tauhi I te aho- mo na tau likiliki (incidental)</i>	\$20	\$20	\$22.50
<i>E \$15 foki te tauale vena ma tona tauhi I te aho- mo te fale e nonofo ai (accommodation)</i>	\$20	\$20	\$22.50
<i>E \$20 te tauale vena ma te tauhi I te aho- tupo meakai (meal)</i>	\$25	\$20	\$30
<i>Tau fuafuagia mo na levolo takitahi mo he <u>tauale e fokotahi</u></i>	\$65/aho + \$65 mo te tauhi = \$130.00/aho	\$60/aho +\$60 mo te tauhi = \$120/aho	\$75/aho + \$75 mo te tauhi= \$150/aho
<i>Vaiaho</i>	\$910	\$840	\$1,050
<i>Lua vaiaho</i>	\$1,820	\$1,680	\$2,100
<i>Mahina</i>	\$3,900	\$3,600	\$4,500
Talia te Vaega 2 mo na fakamanuiaga e maua i Tokelau.			

Fakamanuiaga/ Alauni I Apia			
Tulaga i te taimi nei	Vaega 1	Vaega 2	Vaega 3
\$25 tupe Hamoa te tauale vena ma tona tauhi I te aho- mo na tau likiliki (incidental)	ST\$35	\$50ST	\$37.50ST
\$25 tupe Hamoa te tauale vena ma tona tauhi I te aho- mo te fale e nonofo ai (accommodation)	ST\$35	\$50 ST	\$37.50 ST
\$25 tupe Hamoa te tauale vena ma tona tauhi I te aho- tupe meakai(meal)	ST\$50	\$50 ST	\$37.50 ST
<i>Tau fuafuagia mona vaega (option) takitahi mo he <u>tauale e fokotahi</u></i>	\$120/aho + \$120 mo te tauhi = ST\$240/aho	\$150/aho +\$150/aho mo te tauhi = ST\$300/aho	\$112.50/aho +\$112.50 mo te tauhi= ST\$225/aho
vaiaho	\$1,680	\$2,100	\$1,575
Lua vaiaho	\$3,360	\$4,200	\$3,150
mahina	\$7,200	\$9,000	\$6,750

Talia te Vaega 2 mo na fakamanuiaga e maua I Samoa.

Fakamanuiaga/ Alauni I Niu Hila			
(mo na vaiaho e 3 muamua)			
Tulaga i te taimi nei	Vaega 1	Vaega 2	Vaega 3
\$25 te tauale vena ma te tauhi I te aho- mo na tau likiliki (incidental)	NZ\$50	\$40	\$37.50 NZD
\$25 te tauale vena ma te tauhi I te aho- mo te fale e nonofo ai (accommodation)	NZ\$50	\$40	\$37.50 NZD
\$40 te tauale vena ma te tauhi I te aho- tupe meakai (meals)	NZ\$80	\$60	\$60 NZD
<i>Tau fuafuagia mo na vaega (option) takitahi mo he tauale e fokotahi</i>	\$180/aho + \$180 mo te tauhi = NZD\$360/aho	\$160/aho +\$160/aho mo te tauhi = NZD\$320/aho	\$135/aho + \$135 mo te tauhi= ST\$270/aho
vaiaho	\$2,520	\$2,240	\$1,890
Lua vaiaho	\$5,040	\$4,480	\$3,780
mahina	\$10,800	\$9,600	\$8,100

Talia te Vaega 1 mo na fakamanuiaga e maua I Niu Hila.

Talia te Vaega kua takua I lalo:

I tua mai o na vaiaho e 3 muamua, ko ki latou e heki maua a latou penefiti, ka fakaauau te tuku atu e te Hikimi ki a te ki latou he alauni e \$150 I te vaiaho te tauale vena ma te

tauhi. Ko te aofaki tenei e \$75 maua e te tauale/ tauhi kae e \$75 foki e maua e te kaiga e nonofo ai (ko na levolo ienei o na alauni e maua mai I te WINZ)

Matau:

- i. Ke hakilikili mai na vaega kua fakafehiligia ai te Ulu Fakatonu mo hana fehoahoaniga ke vave maua ai na Penefiti mai te WINZ.

Clothing grant Alauni Kie/ Lavalava

Tulaga I te taimi nei	Vaega 1	Vaega 2	Vaega 3
<i>E maua e te tauale vena ma te tauhi he aofaki e taki \$300 ke fehoahoani ki na lavalava. Ko te alauni tenei e maua fakafokotahi I te takitolu tauhaga.</i>	\$680	NZ\$500	\$450 NZD

Talia te Vaega 1 mo na Alauni Kie/Lavalava.

13. HIKIMI TAUALE A TE MALO O TOKELAU

Ko te mamalu o te Fono Fakamua na:

i. matau:

- i. te pepa;
- ii. te lavaki o na fomaki I luga o fenua, ki te Mataeke ke kikila totoka ki tenei tulaga ona ko te lahiga o taimi e he iei ni fomaki I luga o fenua;
- iii. te talohaga a te Taupulega a Atafu ki te Mataeke ke malaga atu ki Atafu ke tuku atu ki ei na popolega o te Taupulega;
- iv. ko tatou e tatau ona galulue fakatahi ma atiake a tatou fanau I lo te fakalagolago ki na fomaki mai fafo.

**14. LIPOTI O TE FONOTAGA A TAKITAKI O TOKELAU –
PUIPUIGA O TOKELAU MAI NA AFAINAGA O NA TAUALE E HE
PIPIHI (17-19 Me 2017) I NUKUNONU**

Ko te mamalu o te Fono Fakamua na:

i. matau:

- i. te pepa;
- ii. e toe malaga atu te Mataeke ma toe fakatalanoa te vaega tenei fakatahi ma na Peleni a na Nuku;
- iii. na vaega e manakomia ai te koulua lima lagolago mo te fakataunukuga o na moemitiga

ii. malilie:

- i. ke fakamalohia na taki o te polihī mo te puipuiga o na afainaga o te ulaula kae vena foki te toe fakamakekega o ni polihī kua fakatatia f.t. Polihī o na apainu.
- ii. ke fakatu he Komiti a te Atunuku mo na Tauale e he Pipihi;
- iii. ke filifili mai lava e te fenua o latou hui e tokalua ki tenei Komiti, mai na Hui Fono Fakamua.

15. FONOTAGA ECONOMIC SUMMIT A TE MATAEKE

Ko te mamalu o te Fono Fakamua na:

i. matau:

- i. te agaga o te pepa;

ii. malilie:

- i. ke fakatino te Economic Summit kua peleni kiei te Mataeke EDNRE;
- ii. ke fakatino I Atafu te fonotaga tenei;
- iii. ke fakatino tenei fonotaga I te vaiaho I tua o te Eheta 2018.

16. LIPOTI A TE ULU FAKATONU KI TE PULEPULEGA O FAIGAFAIVA O TOKELAU

Ko te mamalu o te Fono Fakamu na:

i. matau:

- i. na fakamatalaga o te pepa;

ii. malilie:

- i. ki he faiga e fakatatia ai te katoaga o na tofi ma na tauhitonu o Niu Hila ma Tokelau fakatatau ki faiga faiva o te moana o Tokelau e fakatutupu ai he fakavae makeke mo he paketi o he fauhaga o faiga faiva.
- ii. ko te Ulu Fakatonu ma te Malo Fakaauau ke fai he latou akoakoga i Apia e fakatalanoa ai na na meafaigaluega e hili atu mo he fakatomuaga o he fauhaga mo faiga faiva, fakatahi ai ma te fakatulagaga o te Mataeke o Faiga faiva (FMA), e fakatino tenei akoakoga e Stan Crothers I te aho 27 – 28 Iulai 2017;

iii. fautua:

- i. te Ofiha o te Ulu Fakatonu (Fakahino: Vickie Miller, Faufautua Takitaki o te Tulafono) mo ni fakamatalaga pe ni fautuaga ki te lipoti.

17. LIPOTI O NA GALUEGA FAKAAUAU A TE MALO FAKAAUAU

Ko te mamalu o te Fono Fakamua na:

i. matau:

- i. te lipoti o na galuega fakaauau a te Malo Fakaauau;
- ii. te fautuaga ke tuku vave mai na Ikuga Fono a te Malo Fakaauau ki na Taupulega mo he latou matauga;
- iii. e a te Malo Fakaauau te lipotiga o a latou fonotaga ki na Taupulega.

18. KIKILAGA O NA MEA TAU HUAVAI

Ko te mamalu o te Fono Fakamua na:

i. matau:

- i. te pepa ma te matakupu kua tuku atu ai;
- ii. ko na mea tau huavai nae gafa lava ma te Hikomaga te fakatinoga o tenei Polokalame ka nae gafa ma te Malo Fakaauau te fehokotakiga ma te Va ki Fafo;

ii. malilie:

- i. ke gafa te Ofiha o te Malo Fakaaua ma na fehokotakiga ma te Va ki fafo mo na talohaga tupe;
- ii. ke gafa ma te **Hikomaga** te fakatinoga o na polokalame tau huavai, kae ke galulue fakatahi te Hikomaga ma ietahi Mataeke e tau tonu ki tenei Polokalame.

19. FEHOAHOANIGA MAI AUHETALIA (AUSAID)

Ko te mamalu o te Fono Fakamua na:

i. matau:

- i. I na talanoaga kua 2 tauhaga tenei polokalame ka nae he hula mai I na tupe maua ma he matau ietahi Taupulega;
- ii. ko te vaega tupe e takua na patino mo te Akoga;
- iii. e taua te kikila ki na polokalame ke ologatahi ma na polokalame a Niu Hila e tuku mai;

ii. malilie:

- i. ke tuku atu ki na Mataeke o te Ola Malolo, Akoakoga, Femalagaakiga (Vaka) ma na Taupulega mo na vaega e manakomia e latou mo te atiakega o te Iloa ma te Mafai o na Kaufaigaluega vena ma te fakatinoga o te tulaga o te Ola Malolo I luga o na nuku;
- ii. ki te Ulu ke tautali atu ki te tuhi mai Auhetalia (Ausaid);
- iii. ke tuku atu he avanoa ki te Mataeke o te Tupe ke fakailoa mai ai te taimi e tuku atu ai na fakatutuga a

na Mataeke o te Ola Malolo, Akoga ma Femalagakiga ma na Taupulega mo tenei vaega tupe.

20. VAKA LAKU UTA

Ko te mamalu o te Fono Fakamua na:

i. **matau:**

- i. na fakamatalaga e takua I te pepa;
 - ii. te kotokotoga ma te fauhaga na taki ai te Iloiloga fakapihinihi o te vaka laku uta;
 - iii. te tau aofaki o te vaka laku uta e US\$3,724,534; (NZ\$4.95m);
 - iv. ko te tupe e totogi ai e maua mai I te 2017/2018 capital budget;
 - v. na taimi tuku fakaholo mo te fakatauga o te vaka;
- ii. **malilie** ke fakatau loa te vaka laku uta o Tokelau manu e tamilo mai te Mataeke ma te Ulu Fakatonu ke fakamanino atili te tulaga o te vaka laku uta.

21. TALOHAGA A TE FALEMATAAGA I UELIGITONE

Ko te mamalu o te Fono Fakamua na **talia** te talohaga a te Falemataaga I Ueligitone ma e heai he afainaga tau tupe e afia I tenei talohaga.

22. LIPOTI O TE AKOAKOGA FAKAVAE MO TOKELAU KI TE KOKONA (KONA) O TE TAI (OCEAN ACIDIFICATION)

Ko te mamalu o te Fono Fakamua na:

i. **matau:**

- i. te pepa;
- ii. kua fakatino te fakatamilohaga o te Lipoti ki na Taupulega mo na fakamainaga;

- ii. **talia** te Lipoti o na akoakoga fakavae ma te atiakega o te Poloketi a Tokelau ki te kokona o te moana mo te lakahaga lua o te Poloketi I luga o na nuku
- iii. **malilie** ko na fakamuamuaga e fatu fakanuku fua ki na fakamuamuaga a na Taupulega.

23. POLIHI O TE HIKOMAGA

Ko te mamalu o te Fono Fakamua na:

- i. **matau:**
 - i. te agaga o te pepa;
 - ii. na fautuaga o te iloiloga;
- ii. **pahia:**
 - i. na vaega uma o te Iloiloga vena ma na vaega kautu e 4 ke toefafao ki te Polihi fou;
 - ii. te Polihi a Tokelau mo te Hikomaga 2017-2020 ma te Peleni Taki manu e tamilo mai te Mataeke ki na Taupulega.

Fakamaonia I te aho **19 Iulai 2017** e:



.....
Savelio Tumua
Takitaki Fono

KI LATOU NA FAKATAHI MAI KI TE FONO FAKAMUA

MALO FAKAAUAU		
Ulu o Tokelau, Faipule Siopili Perez	Faipule Afega Gaualofa	Faipule Kelisiano Kalolo
Pulenuku Petelo Fala Patelesio	Pulenuku Mose Pelasio	Pulenuku Fano Mativa
HUI FONO FAKAMUA		
Salesio Lui Lino Isaia Peter Tavite Falaniko Aloisio Lepeka Tovio Perez	Tinielu Tu'umuli Taupati Peleni Talasilia Sosene Alesana Teao Malia Pue	Iosua Aleni Tanu Filo Mika Kalolo Seluka Sirila Latu Lopa
HAUATEA		
Vasa Tavite Sagato Ugone Tito Kosema Zak Patelesio	Sio Sio Kasimilo Niko	Elia Mamoe Filo Filo
Ulu Fakatonu David Nicholson	Loia Faufautua Hannah	Komehina Tagata Faigaluega Casimilo Perez
Takitaki Fono Savelio Tumua	Hui Takitaki Fono Tumua Pasilio	
KAUFAIGALUEGA TAUTUA		
Fakatonu/Pule Fakahoa		
Aukusitino Vitale Iuliano Tinielu Tessa Kirifi Mikaele Perez Alan Shaw Simona Mei Tealofi Enosa Aleta Aleta Silivia Tavite	Tiso Fiaola John Bosco Mapu Tapuai Ake Puka Fatu Tauafiafi Jaap (lapi) Jasperse Poasi Tuilotolava Hina Mete Asi Pasilio Ta'ase Sio Teo Sili Peteleema Tefoepua	Sela Saumanu Sefo Leo Patrick Lui Kueva Aleki Naniseni Sailusi Tavita Pue Fa'amaoni Iosua Suliana Peha Sulia Peleni Manuele Falaniko Litia Maiava

LAUGA A TE ULUFAKATONU I TE TATALAGA O TE FONO FAKAMUA

Iulai 2017

Ulu o Tokelau, Hui o te Malo Fakaauau, Moheniolo, Toeaina, Hui o na Fatupaepae, Uhufonoki te Fono Fakamua.

Fakafetai lahi mo te feiloakiga ma te alolofa kia te kimaua – kae maihe ia Hannah (from MFAT, Wellington).

Tena koutou, tena koutou, tena koutou katoa – fakatalofa atu mai Aotearoa Niuhila.

[Kupu Tomua]

Ko au e fiafia lahi ke kavea toku tagata vaivai tenei ma hui o te Malo o Niuhila ke fakafeiloaki atu ki te mamalu o te Fono Fakamua ma auai kia koulua talanoaga i te koulua fonotaga tenei.

Kae maihe, e fia fakamamafa e au, i taku kikila kua hao te havaliga a Niuhila ma Tokelau i he taimi o faigata i te hokotaga. E fiafia au kua mafai e tatou ke galulue fakatahi ke fakatotoka ni matakupu faigata. E talitonu au kua kavea ma tulaga e atili makeke ai te tatou hokotaga, ma he fehoahoaniga lahi kia te ki tatou i te tatou faiga malaga ke auhia he hini kautu faifakatahi, ke fakalelei atili te tulaga o te olaga ola o tagata Tokelau e nonofo i luga o na nuku o Fakaofo, Atafu ma Nukunonu.

Ke pa mai nei, ko au nae mafaufau lava ki te tulaga mooni e galue ai te tatou hokotaga. E hako, ko Tokelau he tiute e o te Minihita o te Va ki Fafo a Niuhila ma te Ulufakatonu o Tokelau i lalo o te tulafono. Kae i na faiga ma te fakatinoga, ko koulua –

na takitaki o Tokelau – te taukave na tiute ienei ma fai na tonu mo tagata Tokelau mai teia aho ki teia aho.

Ko Tokelau e takua ko he “fenua e he pulea fakalotoifale”. Kae to te tulaga mooni ko Tokelau kua lahi pulea fakalotoifale mo he fia tauhaga. I he tulaga venei, e manakomia ko na talanoaga i te va o Niuhila ma Tokelau e tatau o na matala ma fakataunuku i he taimi vave ke fakatonutonu ma fakakaiga ai te tatou faigamalaga i te va o te tulafono ma te tulaga o faiga pulea fakalotoifale.

E fakapelepele e Niuhila tana hokotaga tafapili ma Tokelau ma matau e ia na vaega o te hokotaga i te tatou va, e afia ai te hitiheni Niuhila. E kautu he matou kikilaga ke galulue ma te Malo o Tokelau ke iei he hao talafeagai mo tagata Tokelau ki na tautuaga pito hili o na taua, ma ke olo tutuha ma ni galuega mo te atiakega ma lagolago ki te mafai ma te lototele o pulepulega a Tokelau.

[Pulepulega

Tau huhuga te takitaki fono,

E lalahi na lukitau e fakafeagai ma Tokelau.

E ve o na fakalogo ki tatou ki te lea a te Ulu i tana lauga ia Iuni i Niu Ioka ki te Komiti a Malo Kaufakatahi ke fakaheai te Nofokolone, ko te lukitau pito hili o na fuaefa mo Tokelau ko te fakakaigaga o na pulepulega o ni motu e tolu e foliga kehekehe a latou nofonofoga.

Eiei te hihitemi mo pulepulega lava a Tokelau e atafia ai te tulaga tutuha o na nuku e tolu. E lagolago e Niuhila ia Tokelau ke fakatu he hihitemi mo pulepulega e talafeagai ma te tulaga ma faiga o Tokelau.

E matau e taua e lahi na lukturau i te hihitemi pe ko te moteli eiei nei. E matau foki e taua e heai hihitemi o pulepulega e hako lelei ma e tatau ki tatou i taimi uma o na kikila ke fakalelei ma toe fakalelei atili na fauhaga ma na auala e fakatino ai kae ke galue lelei. E fiafia lahi ia Niuhila ke fehoahoani ki Tokelau i ana taumafaiga fakaauau ke atiake he hihitemi e fetaui mo ia.

Kae, e taua lahi, ke fakamautinoa e Tokelau ko te Malo Fakaauau e galue i he tulaga fakateatunuku. Ke mafai he tulaga venei, kua toe fakaleo ai te kalaga a te Fono Fakamua ki he vaega o na tautuaga i te atunuku ke hikitia mai Apia ki Tokelau, ke tafapili ki na minihita. O na ko te loto ia o te Fono Fakamua, e lagolago e au te Ulufakatonu te vaega tenei ke atili fakamakeke ai te malo o Tokelau.

Ko hetahi vaega o manakoga ke tulaga lelei ai he malo fakateatunuku ko na tonu fai a te Fono Fakamua e manakomia ke manino, makeke ma ke i he tulaga fakatonutonu.

He laina vahe manino i fekuikuiakiga o faiga tonu e mautinoa ai e tutuha na fakamuamuaga ma e fakafaigofie ma fakahavali tonu ai te peleniga ma pito hili o na lelei te tulaga e fakataunuku ai.

Kua kitea e tatou na galuega a Tokelau e fakatino ke fakalelei atili ai na auala o faigatonu. Ko he vaega e talia fiafia e ki tatou uma.

Mo te Malo o Niuhila, ko ni auala o pulepulega e lelei mo Tokelau e fakaheai ai ni fakapokepokega tau tulafono ma tau politiki e puna mai i na tiute fakatetulafono o te Minihita o te Vaki Fafo ma te Ulufakatonu.

Mo Tokelau, ko te pulepule lelei e o mo te lelei o tagata nuku uma ma e maua ai foki e tagata nuku e takitaki e koulutou he agaga fakamoemoegia ma talitonugia i te pulepulega.

E tatou iloa e popole te Malo Fakaauau ki na fakafehili ma te luki mai a Niuhila i na tonu fai e tuha ai ko na tupe fakafano o na atiakega lalahi. E matau foki ko te Malo Fakaauau, i he galulue ma te Niuhila, e tu malohi mo te fatuga o ni auala ke atili fakamakeke ai te faiga o na tonu mo fakafanogatupe mo atiakega lalahi. Ko he tulaga fakafafia loto tenei ki te ki tatou.

Mo te agai ki mua, e fiafia lahi ke fakaauau na taumafaiga ke atili fakamakeke na vaega ienei ma ke mautinoa he fiaga 'e he fakatekia', e ve o na atafia i te Takiala mo te Faigapaaga.

E fia kavatu he fakamalo ki Tokelau ki hana kikilaga ke fakapaleni tana paketi i te tauhaga nei e kehe mai ai ma te tulaga i na tauhaga e tolu kua teka.

Agai lautele ki fekuikuiakiga o te paketi a Tokelau, e fia kitea e Niuhila e maua e te Fono Fakamua ni fakamatalaga e katoatoa e mafai ai ke fai ni ana filifiliga totoka e tuha ai ko te tufatufaga o ana lihoi ma, ka pahia he paketi, e iei ni puipuiga talafeagai mo na fakafanogatupe kua malilie kiei.

Ko he vaega o ni faiga tonu lelei ko te manino ma te mafai ke tautali. E afia i na vaega ienei ni puipuiga talafeagai mo te tupe fakafano, tautukuga ma te lipotiga. Ko na puipuiga ienei e taua lahi mo te Malo o Niuhila ke fakaauau ai te lagolago a latou e fai lafoga i Niuhila ki na tupe lalahi e fooki mai ki Tokelau. Puipuiga o te tupe fakafano, kae maihe te tautukuga ma te lipotiga ki te Taupulega ko ni vaega pito hili o na taua ke

fakaauau ai he tulaga talitonugia o te malo fakateatunuku o Tokelau.

E fia fakailoa atu e au venei, i te tauhaga nei – 2017 – e fakamoemoe e tuku atu ai he lipoti lahi e au te Ulufakatonu ki te Palemene o Niuhila e katoa kiei na lipoti tupe a Tokelau mai te 2010 (ko te tauhaga ia e gata ai nei na lipoti) ki te tauhaga 2014/15 (kua tali totoka na lipoti mai te huketuhi mo te 2014/15). I te lumanaki, e fehoahoani lahi kafai e fakamautinoa e Tokelau ko ana lipoti mai te huketuhi e maua i he taimi vave (i loto o he tolu mahina mai te fakaikuga o te tauhaga tupe) kae ke mafai ai te Ulufakatonu ke tauhihi ki na lipoti taki tauhaga e fakatulafonogia mo te Palemene a Niuhila.

E fakamakeke atu ke kikila ki oku lagona agai ki na matakupu kua tuku atu i te aho nei i te agaga na fatu ma fakamoemoe au na tuku atu ai foki – e he ni faitioga, kae ko he fakamaumauga o na manakoga o te Malo o Niuhila i te agaga o na Takiala o te Faigapaaga.

[Fehokotakiga - Femalagaakiga]

Tau huhuga te takitaki fono,

Ko te tu kehe ma te tu mamao o Tokelau ko hetahi lukitau tena.

Ko te tu mamao tenei eiei ai foki ni lukitau patino ki femalagaakiga a tagata ma te felakuakiga o na uta e ve o na atafia i te Takiala a Tokelau mo te Atiakega o te Atunuku (TNSP) 2016-2020.

E fakamalo atu ki galuega a te Fakatonu ma te Minihita o Femalagaakiga ki he Peleni katoa mo Femalagaakiga a Tokelau ma e kikila fiafia atu ki te fakatotokaga ma te fakatalanoaga o

te Taupulega. E tamau mai i kina na fakamuamuaga ma te mafuaga mo atiakega i tautuaga femalagaakiga a Tokelau, vena foki ma te iei o he fofo ki na vaega taua e ve ko te haogalemu, taugofie ma te olatia o ni atiakega i femalagaakiga. Pito hili o na taua, e kamata i te fakataunukuga o te fakamuamuaga a Tokelau: he fofo mo te felakuakiga o na uta.

E matau ma matea e Niuhila te taua ki te atiakega o Tokelau o ni auala o femalagaakiga e lelei ma e tu malohi ke galulue ma Tokelau ke atiake ni fofo talafeagai mo femalagaakiga.

Ko he mafai e haogalemu ma lelei mo te vaka-ki-gauta ko he vaega o fakatutupuga pito hili o na taua mo femalagaakiga uma. Nae galulue fakatahi ia Tokelau ma Niuhila ki ni ata auiliili ma te tauofoga mo ni fakaleleiga e manakomia ki na fauhaga e iei nei. Na fafia lahi ki matou ke matau kua iei ni tautali mai te tauofoga e fautuagia ai he galuega e pito hili o na maualuga te tulaga e iei ai ke auhia he 50 tauhaga (nae he 25 tauhaga te nae kikila kiei).

Kae, ko na tau e maualuga atu ma na tau nae kikila kiei. Kua fakamuamua e Niuhila ma Tokelau te polokalame tenei ma e fakaauau pea te tulaga e galulue fakatahi ai ke fakaitiitia na tau ma ke malamalama pe hea he auala pito hili o na lelei ke fakatupegia ai na tau ienei.

Ko te fakamoemoe maualuga, e kamata te galuega ia Mati 2018 ma ke totoka ia Nukunonu ma Atafu i te tauhaga fou ma totoka ia Fakafo ite 2019.

Fakatahi ai ma te fehoahoani ki te vaka-ki-gauta, e fafia lahi ia Niuhila ke fakamealofa atu he vaka mo te va o fenua kui atu i tana Polokalame mo te Pahefika Haogalemu i te Moana ke

Iagolago ma fehoahoani ki na galuega Hakiliga ma Laveaki, tauale hikitia ki te falemai i Nukunonu ma femalagaakiga o tagata i te ve o fenua. Ko te tau o te vaka fakatahi ai ma na fauhaga e kaiga kiei e \$750,000.

**[Fehokotakiga–Fakamatalaga,
Fakaonaponei - ICT]**

Fehokotakiga

Fakatahi ai ma na fofo mo femalagaakiga, ko he hihitemi fakamoemoegia m alelei mo fehokotakiga ko he vaega taua foki ke fakaitiitia ai na lukitau o te tu kehe ma te tu mamao o Tokelau.

Ko ni auala o fehokotakiga ki na nuku uma e tolu e fakamanake lahi ai ki luga na atiakega a Tokelau, e tino mai ai ni leleiga ki nofonofoga ma te tamaokaiga mo he taimi mataloa, e afia ai foki ni leleiga atili i na tautuaga tau ola malolo, akoakoga ma na fehoahoaniga ki te pulepulega o Tokelau e ia lava.

Ko he fehokotakiga ki te vateatea kui i he uaea toho fakamoemoegia e maua ai foki e Tokelau ke auai ki na fonotaga fakavaomalo kui i te tv, e afia ai na fonotaga mo na huiga ki te tau i he auala e he lahi he hao ki te aha kokona e afaina ai te hikomaga – he fakaopoopoga foki tena ki te tulaga lelei kua iloa lautele ai ia Tokelau ko te fenua muamua i te lalolagi ke auhia tafapili ki he 100% o tana eletihe mai he malohiaga fakatenatula.

E fakaauau pea te tuku mai e Niuhila he fehoahoani ki te Teletok ma na tautuaga a Tokelau mai te hatelite, kae hakilikili pea ki ni filifiliga mo ni hihitemi o Fakamatalaga ma Fehokotakia Fakaonaponei mo te lumanaki.

E lua ia filifiliga mo he uaea toho i te moana (e fokotahi e takua ko te *Southern Cross Nextma* tetahi ko te *Samoa*) ma i te taimi

nei e hukehuke auiliili ki na filifiliga ienei. Ko matou e kikila nei ki na filifiliga ienei kui i he kikilaga pe hea tonu te filifiliga e pito hili o na taugofie ma e taikole ki ei ni tulaga fakapokepoke mo he 25 tauhaga.

Kua fakakonekalate e te Malo o Niuhila te kamupani *KPMG* fehoahoani mai i te fakataunukuga o he hukehukega auiliili o na filifiliga.

Ko te kikilaga muamua a te KMPG e fautuagia ai fakamanuiagia ia Tokelau i he taimi mataloa (25 tauhaga) kafai e fai hao ki he uaea toho i lo te fakaauau o te tulaga eiei nei i te hatelite. Kae, e foliga mai ko he filifiliga foki e lahi he taugata.

E matau e Niuhila ke fakatutupu he uaea toho, e foliga mai ko Niuhila foki lava te ka lahi gafa ma te lahiga o te tau. Kae, e manakomia foki ia Tokelau ke nofo tapena keiei hona hao.

E taua ke talatalanoa katoatoa ia Niuhila ma Tokelau ki na filifiliga ma na afainaga e puna mai ai kae ke auhia ai te fofo pito hili o na lelei mo Tokelau ma te filifiliga o te auala e fakatupegia ai te fakamoemoe. E fakaauau na talatalanoaga ienei.

[Tautuaga Kautu–Akoakoga ma te Ola Malolo]

Tau huhuga te takitaki fono,

Akoakoga – fakaolaolaga o takitaki o Tokelau i te lumanaki – ko he vaega pito hili o na taua ki te atiakega i he tulaga lelei o Tokelau.

E tu malohi te Malo o Niuhila ke fakalelei atili ia akoakoga i Tokelau. Ko te matou hini, ko he tulaga o akoakoga pito hili o na lelei i taimi uma i na aoga e tolu i Tokelau e tapena ai ia fanau mo te fakaauauga o a latou akoakoga ma te latou olaga

tautua, ma fakamakeke ma fakaolaola o te gagana, na tu ma na aga a Tokelau.

E fiafia lahi ia Niuhila ki ni auala e fuagia ai te hihitemi o akoakoga a Tokelau:

- Ni faiga e kikila totoka ai ki te *fai hao* – e fakamautinoa e maua e fanau uma he hao ki loto o akoakoga;
- Ni faiga e kikila totoka ai *tefakaauau* – akoakoga i te pilima, tulaga lua ma na kolihi / univehite.
- Ni faiga e kikila totoka ai ke auhia ma *iku totoka i te tulaga lua ma te fakahikolahipi*; ma
- Ni faiga e kikila totoka ai *nifakaikuga-* fakamautinoa e auhia e fanau uma ni hikili maualuga i te faitau ma te numela.

Ko ni faiga venei e fehoahoani ki na kaiga m ana kaukaiga ke talatalanoa ma a latou fanau kia latou meaaoga ma fakamakeke ke tauivi ke auhia o latou moemitiga.

Ko ni faiga venei e fehoahoani foki na malo o Tokelau ma Niuhila ke kikila pe tulaga lelei a laua hao i te maualuga e mafai ke auhia.

Na fakamatea i te iloiloga o te 2013 na fakatino e te Ofiha o Iloiloga o Akoakoga ni fakafitauli i te hihitemi o akoakoga a Tokelau. Na puna mai i te iloiloga tena he lagona ke feeke i he taimi vave ke fakalelei atili te tulaga o akoakoga i Tokelau. I he tulaga venei, na fakamatea patino ai he hao o te Malo o Niuhila ke fehoahoani ki akoakoga i Tokelau.

I he matou malamalamaga na toe fakatalanoa ia Tokelau e te ERO ke toe fakatino he iloiloga. E kikila fiafia atu ki matou ke fakatino te vaega tenei ma e fakamakeke atu ki te Malo o Tokelau ke iei he malaga mai a te ERO i loto o te tauhaga tupe 2017/18.

Ko ni ikuga mai hetahi iloiloga a te ERO e mafai ai e ki tatou ke kikila ki na lelei ma na aifanaga o na galuega mulinei ma e fehoahoani mai foki kia te ki tatou, i he galulue ma te Mataeke o Akoakoga a Tokelau, na Taupulea ma na nuku, ke kikila pe hea tonu te hao pito hili o na lelei mo te lumanaki mai te Malo o Niuhila ke fehoahoani ai ki te hihiemi o akoakoga a Tokelau.

I te tulaga o na akoakoga maualuga, e fofou te Malo o Niuhila ke lagolago ma fehoahoani ki Tokelau ke fakaolaola he kaufaigaluega fakaonaponei e katoa kiei na hili taoga ke fehoahoani ki te atiakega o Tokelau, te mafai o takitaki ma te pule fakalotoifale i te lumanaki.

E fia kavatu foki he fakamalo ki te Mataeke o te Ola Malolo ma na takitaki o Tokelau e tuha ai ko te Fonotaga mo te Puipuiga o Tokelau mai na Afainaga o na Tauale e he pipihi e ve o na nofoia ia Me.

E foliga mai kua taki e te Mataeke o te Ola Malolo (vena foki ma te Ofiha o Fakamaumauga Fakafuainumela a Tokelau) te auala ke maua ai ni mau ke katoatoa ai ni fakamatalaga e fatu kiei na takiala ma na polihi a Tokelau fakatahi ai ma ni vaega e mafai ke fakamatea ai na fakatutupuga e auhia i he tulaga lelei.

[Tulafono ma fakamahinoga]

Tau huhuga te takitaki fono,

E matau te tofiaga o te Komehina o te Tulafono fou o Fakafo.

E fiafia lahi te Malo o Niuhila i ka ikuga lelei mai tana polokalame mo he tolu tauhaga na fehoahoani ai ki na leoleo o Tokelau ma te fehoahoani mai leoleo o Tokelau ma te malo mo te polokalame.

E fiafia lahi te Malo o Niuhila ke fakaauau ana fehoahoaniga ki te aitakega o te mafai i Leoleo o Tokelau, e afia ai foki he

fakaauauga o na fehoahoaniga a ia e gafa nei ma te polokalame.

Ko ni hitene lautele mo leoleo ma ni faiga tutuha i te auala e falite ai ni uiga he lelei ma ni tautuaga he lelei e fakamanekē ake ai foki na tautuaga ma te agaga tautua o leoleo o Tokelau.

Ho he vaega taua foki ke fakamakeke ma fakalauiloa i te levolo o te malo na tulafono ma te tauhiga o te filemu.

E fakamakeke atu ki Tokelau ke kikila pe vehea he auala e fakailoa ai ki te Taupulega ma te Fono Fakamua na popolega o leoleo ma na popolega o tagata nuku e tuha ai ko tautuaga a leoleo.

[Faigafaiva]

Tau huhuga te takitaki fono,

Kua fakapepa atu e au ki te mamalu o te fono te lipoti a te Ulufakatonu e tuha ai ko faigafaiva, kae ko au nae fofou ke tuku atu ni oku lagona taua i kinei.

Ko faigafaiva ko he vaega e lahi he avanoa, kae eiei foki na lukitau, mo Tokelau. Ko te tupe maua mai faigafaiva i te hone e fanake lava ki luga i he tulaga taua ki te atiakega o Tokelau ma tana pule fakalotoifale, ma e manakomia ke puipui.

Ke puipui te tupe maua tenei, e manakomia ia Niuhila ma Tokelau ke fakaauau te galulue fakatahi ke fakahavali na huiga kehekehe e ve o na fakamatea i te 2014. Ko te agaga maualuga, ko matou e fofou ke toe taukave e Tokelau te pulepulega o faigafaiva i te hone ma na huiga e fakahino tonu ke auhia ai te moemitiga tenei.

Ko he vaega tenei e manakomia ke galulue fakatahi ki matou kiei ma te Malo Fakaauau ma te Minihita o Faigafaiva mo te ono mahina e fakahavali nei.

[Toe Kupu]

I haku toe kupu, e kavatu foki haku fakamalo ki na galuega a na Komiti o te Fatupaepae ia latou hatalaga ma talatalanoaga o ni matakupu e taua ki te itupa o matua, ma a latou hatalaga mo te fakaolaolaga ma te puipuiga o te aganuku a Tokelau.

Nae he maluelue pe lotolotlua foki ia Tokelau i te tuhiga o tana ata mo te tauhiga o ana tu ma aga, tana gagana ma tana aganuku; ma i ana hatalaga mo he fehoahoaniga ke puipuia ai to na hikohikomaga ma tautali ki na afainaga mai na huiga ki te tau.

Ko te hini o na Takiala mo te Faigapaaga ke "fakamakeke te faimeafakatahi... ke fakalalahi na fakamanuiaga o te fehokotakiga... fatu ki ni talanoaga fakaauau ma faifai ho (ma)... galulue i he tulaga 'e he fakatekia' tetahi e tetahi kui i ni hokotakiga manino ma matala."

Ko au e amanaki e fakalogologo au ki a koulua talatalanoaga i te fonotaga tenei agai pe he tonu e mafai ma e pito hili o na lelei mo Tokelau.

Ko au foki e amanaki ke fehoahoani ki te malo o Tokelau i tau havaliga ki mua i na tauhaga e taukave ai e au te tofi Ulufakatonu o Tokelau.

I te piliota foki lava tenei, ko te fakamoemoe maualuga ke galulue tafapili ma te Ulu o Tokelau ma te Malo Fakaauau ke fakamautinoa e maua e koulua te Fono Fakamua vena foki ma te Malo Fakaauau na fakatalaga uma e mafai ke katoa ai he

koulua kikilaga totoka i te faiga o na tonu taua mo te lumanaki o Tokelau.

E fakatahi atu ia Niuhila i te koulua havaliga ki mua.

Ke fakaiku atu toku leo tenei i he talohaga he lava ki te tatou Aliki ke liligi ifo ana fakamanuiaga ki na talatalanoaga a te Fono Fakamua ma ke takimua e ia ki tatou i to na Mana.

No reira tena koutou, tena koutou katoa. Fakefetai lahi